

# PRONI-jev godišnji bilten

Pregled aktivnosti u organizaciji PRONI Centra za omladinski razvoj u 2009. godini!!!



## Posebno interesantni članci:

- Kampanja "Gore vlada"
- Projekat za udruženja žena u Brčko distriktu
- Radionice za dječija i ljudska prava
- Međunarodni dan Roma
- Tamna strana djetinjstva
- "Svi smo rođeni sa jednakim pravima, poštujmo ih!"
- Volonter godine u Republici Srpskoj
- PRONI kroz vrijeme

## Sadržaj:

- Akcija: "Besplatan zagrljaj" **2**
- Debata: "Mladi u procesu evropskih integracija" **4**
- Obilježavanje Svjetskog dana Evrope **5**
- Pozicija udruženja žena u Brčko distriktu **7**
- Turnir u odbojki u pijesku **8**
- "Vratite mladima Omladinski centar" **9**
- Studenti iz Švedske u PRONI-u **11**

## JANUAR

### Novosti u PRONI-u

PRONI je u Novu 2009. godinu ušao sa novom strukturom zaposlenih u ovoj organizaciji.

Ranije je PRONI imao jednog Projekt menadžera, jednog Menadžera za omladinske klubove, a pored Administrativno-finansijskog službenika, bilo je zaposleno i nekoliko Omladinskih radnika u klubovima.

Od ove godine kompletna struktura zaposlenih je podijeljena u timove. U timu za administraciju i finansije, angažovani su: Generalni me-

nadžer, Finansijski koordinator i Administrativni službenik. Drugi tim, pod nazivom Tim za PR i obrazovanje čini Menadžer za PR i obrazovanje i dva Omladinska radnika. Slično je i sa timom za Omladinski rad u kome radi Menadžer za omladinski rad i tri Omladinska radnika.

Sa ovakvom formacijom zaposleni su ušli u novu radnu godinu, sa ciljom da se uhvate u koštac i izbore sa mnogim problemima i nedaćama, sa kojima se nisu susretali do tada.

Mnogo je poslova odrađeno u ovoj godini, a što ćete imati priliku da vidite u narednim člancima. Međutim, zbog brojnih problema PRONI je ipak pretrpio gubitke i to u radnicima. U PRONI-u sada radi 8 zaposlenih u navedenim timovima.



**PRONI zaposleni na lldži 2009. godine**

### Mišljenje volontera o PRONI-u

**Ovo je priča PRONI volonterke Bojane Hadži-Stević iz Bijeljine.**

#### Prvi dolazak u PRONI

Prvi put sam došla u PRONI na radionice o toleranciji koje je vodio PRONI volonter. Uglavnom, svi utisci su mi bili pozitivni zbog ljudi koji su učestvovali na radionici, a naučila sam nešto novo o pisanju projekata i o organizaciji programa za mlade. Ispunjavala sam svoje slobodno vrijeme u PRONI-u na koristan način.

#### Razlozi za ostanak u PRONI-u

Ostala sam u PRONI-u zbog ljudi koji su mene podsticali na aktivizam i saradivali sa mnom kroz aktivnosti u kojima sam učestvovala.

#### Lični razvoj u PRONI-u

Otkrila sam u sebi neke sposobnosti koje nisam do sada imala prilike da otkrijem kao što je pisanje projekata i organizovanje radionica, sklopila sam nova poznanstva koja će mi možda pomoći u daljem razvoju ličnosti.

#### Lični doprinos organizaciji

Davanje ideja za nove projekte, nesebično angažovanje u realizaciji tih projekata, vedrina i osmeh na licu u svakom momentu kad sam u blizini PRONI-a.

#### Akcije

Prva akcija u kojoj sam učestvovala kroz organizovanje i realizaciju je „Dječija olimpijada“ koja mi se jako svidjela i nadam se da će postati tradicionalno i da ćemo svake godine organizovati ovu aktivnost.

Sledeća akcija je bila „Dan

volontera“ u sklopu koje sam imala priliku da upoznam PRONI volontere iz Brčkog. Imali smo jako lijepo druženje i razmjenjivali smo ideje o radionicama i aktivizmu mladih kroz volontiranje u PRONI-u. Zadnje dvije akcije kroz koje sam mnogo naučila je „Konferencija mladih“ koja je održana u Banjaluci i „Dan Roma“, organizovan u Bijeljini. Sve ove aktivnosti su organizovane da doprinesu mladim ljudima, ali kroz taj doprinos, mi, koji učestvujemo u organizaciji ovih aktivnosti, uvijek se dobro zabavimo i naučimo nove korisne stvari koje će svakako doprinijeti u ličnom razvoju svakog od volontera.

# FEBRUAR

## Kampanja "Gore vlada"



### Akcija: "GORE VLADA"

Kampanja, pod nobičnim nazivom, "Gore vlada" je organizovana u dva navrata tokom februara 2009. godine.

U sklopu prve kampanje organizovana je konferencija za medije u prostorijama Omladinskog centra Brčko, nakon čega su mladi, volonteri PRONI-a i mreže omladinskih klubova u centru grada dijelili građanima letke sa porukama kampanje.

Cilj ove kampanje je bio podizanje svijesti šire javnosti o nemogućnosti rada udruženja građana i omladinskih organizacija zbog neformirane Vlade u Brčko distriktu. Time je prekinut lanac ćutanja nevladinog sektora i upozorilo se na nemogućnost organizovanja velikog broja mladih koji su kao volonteri i članovi posjećivali 26 omladinskih klubova na teritoriji Brčko distrikta.

U drugom navratu, PRONI-u su se priključile i omladinska NVO Vermont, Forum

građana o sigurnosti u zajednici, DOSTA, Vizija i informativni portali, Info Brčko i crtIX.info.

Ovaj put, mladi su pored konferencije za medije organizovali i mirnu protestnu šetnju gradom, kao i ponovno dijeljenje letaka sa porukama.

Obje kampanje su medijski praćene, a nedugo nakon toga je formirana sadašnja Vlada Brčko distrikta.



### Akcija : "Besplatan zagrljaj"

## Akcija za valentinovo: "Besplatan zagrljaj"

Omladinski radnici PRONI Centra za omladinski razvoj su u Brčkom, povodom dana zaljubljenih (14. februara), na Trgu mladih u Brčkom organizovali akciju pod nazivom "Besplatan zagrljaj".

Volonteri PRONI-a su pripremili gomilu ljubavnih poruka za građane Brčkog i dijelili besplatan zagrljaje. Organizovana su i takmičenja

parova u kreativnim igricama za parove:

- Ko se jače zagrlji;
- Ko prvi probije balon zagrljajem;
- Koji par se brže poljubi 10 puta;

Pojedini građani Brčkog su u nekim igrama rado učest-

vovali, dok je bilo i onih koji su sa nepovjerenjem prolazili pored volontera. U svakom slučaju više je bilo pozitivnih reakcija na ovaj vid takmičenja i besplatno grljenje.

Sve u svemu bila je to neobična aktivnost za Brčake i mladi su nekima uljepšali još jedan vlažan, kišni, februar-ski dan.



### Dodjela diploma polaznicima

U PRONI-u se, od samog otvaranja organizacije, pored rada i aktivnosti za mlade organizuju i kursevi na kojima učestvuju odrasli. Kursevi su obično organizovani kao nastava stranih jezika (engleskog, njemačkog, italijanskog..), kao i iz oblasti informatike.

Ranije su kursevi organizovani u Omladinskom centru u Brčkom, ali kako je radno vrijeme u Omladinskom centru ograničeno od 8-16 h, polaznicima to vrijeme nije odgovaralo i od februara mjeseca 2009. godine kursevi se održaju u

## Kursevi za odrasle

prostorijama kancelarije PRONI-a u centru grada.

Oko 40 ljudi je prošlo kurseve engleskog i osnovna informatike za početnike, tokom 2009. godine. Oba kursa su bila organizovana u dva navrata u 2009. godini. Starosna dob polaznika se kretala od 20-60 godina, a što se tiče školske spreme, bilo je različitih profila obrazovanja, tj. od srednje do visoke. Svi polaznici na kraju kursa su dobili uvjerenja o položenom kursu, naravno nakon uspješno položenog testa. Priličan broj PRONI volontera je, takođe, prošao

ove kurseve što im je predstavljalo dodatno usavršavanje.

Od 2009. godine PRONI je počeo sa naplatom ovih kurseva, na mjesečnom nivou, u visini od 25 KM za zaposlene, dok su nezaposleni imali obavezu da donesu potvrdu sa biroa, pa njima kurs nije naplaćivan.

Praksa je da se dva puta godišnje održaju ovi kursevi sa trajanjem po četiri mjeseca i isti se obnavljaju za nove polaznike u novom ciklusu.

# MART

## Projekat "Jačanje kapaciteta rukovodstva udruženja žena u ruralnom području Brčko distrikta!"

Na osnovu istraživanja o poznavanju i stanju ženskih ljudskih prava, na području Brčko distrikta, provedenog tokom jula mjeseca 2008. godine u saradnji sa udruženjima žena: "Venera", "Okrugli sto žena", "Udruženje žena bošnjakinja", "Mame" i "Kolo srpskih sestara", došli smo do ideje da napišemo projekat na ovu temu. Projekat pod nazivom "Jačanje kapaciteta rukovodstva udruženja žena u ruralnom području Brčko distrikta", koji je finansirala CIDA (Kanadska ambasada u BiH), trajao je od marta do kraja jula mjeseca 2009. godine.

Cilj projekta je bio: podizanje kapaciteta rukovodstva udruženja žena u Brčko distriktu u cilju jačanja organizacijskih sposobnosti i odgovaranja na potrebe i zaštitu prava žena u Brčko distriktu BiH.

U ovaj projekat su uključena rukovodstva udruženja žena "Venera", "Udruženje žena bošnjakinja" i HUŽ "Mame". Žene iz ova tri udruženja su prošle obuku iz 14 različitih treninga i organizovale konferenciju za medije i okrugli sto na kome su prezentovale svoj rad i pokazale borbu za bolji rad svih udruženja.

Ovim udruženjima su se pridružila udruženje "Distrofičara" i "Udruženje oboljelih o multiple skleroze", shodno potrebama koje su ova udruženja imala, a koje su mogle biti zadovoljene ovim projektom.

Petnaest žena iz ovih udruženja je zajedno prošlo treninge i obuke, družilo se 6 mjeseci sa radnicima PRONI-a i povećalo saradnju sa ostalim udruženjima i podiglo svijest zajednice o svom postojanju, radu i brizi za zajednicu.

## Radionice na temu ljudskih prava sa učeničkim vijećima

Radionice na temu dječijih i ljudskih prava predstavljaju rad PRONI-a, u saradnji sa osnovnim i srednjim školama na području Brčko distrikta. Radionicama su pretežno prisustvovali predstavnici Vijeća učenika u ovim školama.

kada su OŠ u pitanju, omladinski radnici PRONI Centra su radili radionice u X OŠ u Bijeloj i OŠ u Rašljanima. Radionice su održavane jednom sedmično u prostorijama ovih škola.

Po 10 učenika je prisustvovalo ovom programu, koji im je dosta pomogao u njihovom radu portofolija za projekat Građanin, koji se organizuje svake godine, a učenici po razredima učestvuju i takmiče se sa svojim projektima.

Omladinski radnici su odlučili, u saradnji sa učesnicima radionica da, pored njihovog kreativnog izražavanja i učenja o ljudskim pravima, na kraju projekta, organizuju kviz kojim će provjeriti ste-

žena znanja i takmičiti se, a ujedno, na zabavan i kreativan način, završiti ovaj projekat.

Rad na ovom projektu završen je krajem školske 2008/2009. godine



Fotografija sa treninga

*"Trenizi na temu dječijih i ljudskih prava sa učeničkim vijećima, u saradnji sa osnovnim i srednjim školama"*

## Trening PR, odnosi sa javnošću

Zaposleni PRONI Centra za omladinski razvoj su krajem februara prošli dvodnevni trening na temu "PR, odnosi sa javnošću".

Trening je organizovan kao potreba tima PRONI-a, tokom reorganizacije, i uopšte potrebe organizacije za većom vidljivošću i boljim odnosom i saradnjom sa medijima. Naime, zaposleni u PRONI-u su ranije još shvatili da javnost nije u velikoj mjeri upoznata sa svim dešavanjima u PRONI-u i svim aktivnostima koje organizujemo

za mlade i uopšte građane u Brčkom i Bijeljini.

Organizovanje tradicionalnih festivala i pojedinačnih aktivnosti, koje su bile praćene medijima, štampanog materijala i brošura, nije bilo dovoljno da se pokaže i prikaže sav uspjeh, rezultati i postignuća mladih i ostalih učesnika u PRONI aktivnostima. Stoga zaposleni u PRONI-u su odlučili da naprave efikasniju web stranicu, na kojoj će svakodnevno biti objedinjavane

informacija na mjesečnom nivou, u vidu "PRONI mjesečnog biltena", koji će biti publikovan na stranici i putem elektornske pošte prosljeđen brojnim partnerima i donatorima.

Dio toga su ideje zaposlenih, a dio ideja je proizašao nakon ovog treninga. Trening su, u svakom slučaju, najviše iskoristili članovi tima za PR i obrazovanje koji su imali i najviše pitanja vezano za javne nastupe i davanje izjava medijima.





**Francuska Ambasadorica u Brčko distriktu**

**Obilježavanje Međunarodnog dana Roma u Bijeljini**



**Radionice na temu dječijih prava u Bijeloj**

## APRIL

### Debata: "BiH mladi u procesu EU integracija"

PRONI Centar za omladinski razvoj je 22. aprila 2009. godine organizovao debatu pod nazivom: "BiH mladi u procesu EU integracija". Glavna tema debate su bile Politike zapošljavanja mladih u BiH. Debata je organizovana u saradnji sa češkim predsjedništvom EU i specijalnim predstavnikom Evropske unije u BiH, u saradnji sa Direkcijom za evropske integracije. Debata je okupila mlade aktiviste iz cijele BiH, predstavnike državnih i entitetskih vlasti, agencija za zapošljavanje i privatnog sektora.

Kao gost- uvodničar ambasadorica Francuske u BiH, Maryse Berniau, kazala je da je glavni cilj debate

pojasniti politike zapošljavanja mladih u kontekstu procesa evropskih integracija, uzroke niskog stepena zaposlenosti mladih, inovativne mjere za zapošljavanje, usklađivanje školskog sistema sa potrebama tržišta rada i ulogu interesnih grupa u evropskim integracijama.

Nedeljko Masleša, Pomoćnik direktora Direkcije za evropske integracije BiH je istakao važnost reforme srednjoškolskog obrazovanja mladih, čije bi približavanje evropskim standardima omogućilo mladima u BiH lakše intergrisanje u evropske standarde i tržište rada.

Anto Domić, Dogradonačelnik je u ime Vlade Brčko distrikta, kao jedan od prioriteta u radu vlade naglasio brigu o mladima, ugradjivanje evropskih stadarda i kriterija u brigu o mladima i samim tim pružanje ravnopravne šanse mladima za zapošljavanje, kako u Brčko distriktu, tako i u cijeloj BiH.

Jasmin Jašarević, menadžer PRONI-ja je kao glavni nedostatak u radu vlade ukazao na nepostojanje strategije za mlade, kao i nepostojanje adekvatne brige za mlade od strane aktuelne vlasti.

### Međunarodni dan Roma

PRONI je u saradnji sa Udruženjem građana za promociju obrazovanja Roma "OTAHARIN" iz Bijeljine obilježio Međunarodni dan Roma (8. april) u Bijeljini.

Međunarodni dan Roma je obilježen na pješačkoj zoni u Bijeljini, kod gradske biblioteke "Filip Višnjić", sa početkom u 15 h, kroz sljedeće aktivnosti:

- Mladi Romi iz

udruženja "OTAHARIN" su podijelili oko 200 letaka sa informacijama o Međunarodnom danu Roma građanima Bijeljine;

- Urađeno je 85 anketa o položaju Roma u Bijeljini, Dekadi Roma, školovanju i zapošljavanju Roma;

- Volonteri PRONI Centra iz Bijeljine su kreativnom prezentacijom različitih uloga u društvu (penzionera, biznismena, trudnice, manjine, studenta), privukli veliku pažnju građana i medija sa porukom da svi imamo ista prava.

### "Mala škola dječijih prava"

U omladinskom klubu Bijela su u 2009. godini nastavljene radionice na temu dječijih i ljudskih prava. Na ove radionice je dolazilo oko 10 članova kluba od 12-15 godina starosti. Na radionicama su, pretežno, na kreativan način obrađivali dječija i ljudska prava.

Djeca iz ovog kluba, inače

uživaju u kreativnim radionicama, tako da su omladinski radnici i ovu malo ozbiljniju temu prilagodili njima i uradili je na što kreativniji način su mogli. Obilježavanjem i praćenjem pojedinih dana djeca su u ovom klubu crtali crteže i pravili ukrase koji su na njihov način predstavljali taj dan. Na taj način se predstavljali svoje

viđenje prava na porodicu, školovanje, zdravstvenu zaštitu, zabranu zlostavljanja, pravo na igru, i drugo.

Tokom ovog rada nisu zaboravili ni na druge, tako da su svojim rukotvorinama obrađivali svoje mame, sestre, bake, a oni sami kroz su, igru naučili još mnogo toga .



# MAJ

## Obilježavanje Svjetskog dana Evrope

Na Trgu mladih u Brčkom 9. maja 2009. godine obilježen je Dan Evrope u organizaciji omladinskih organizacija PRONI, Vermont i Svitac, a u saradnji sa Euro Info Centrom. Tim povodom odrađene su ulična akcija i konferencija za medije. Na konferenciji za medije prezentovani su rezultati istraživanja pod nazivom

"Šta mladi Brčko distrikta znaju o EU?", sprovedenu od strane PRONI-a. Na konferenciji je prisutnim novinarima predstavljen rad Euro Info Centra i najavljena ulična akcija na Trgu mladih.

Tokom akcije, volonteri i volonterke su dijelili građanima letke sa informacijama o Danu

Evrope i Evropskom volonterskom servisu.

Tom prilikom, prikupljeno je 110 KM u humanitarne svrhe za malog Đorđa Milivojevića, kojem je novac potreban za operaciju koštane srži.



## "Treninzi o ljudskim pravima sa učeničkim vijećima u srednjim školama Brčko distrikta"

Učenici srednjih škola u Brčko distriktu su do polovine juna mjeseca prisustvovali treninzima na temu ljudskih prava. Učesnici su grupa mladih ljudi, starosti od 15 do 18 godina, a neki od njih su i članovi učeničkog vijeća. Omladinski radnici PRONI-a, Muhidin Mešić i Senada Sušić su veoma zadovoljni radom na ovom projektu, jer je oko 15 učenika srednjih škola iz Brčkog redovno dolazilo na ove treninge. Učesnici su

pisali mini-projekat "Restauracija igrališta na Ficibajeru", koji su poslali u FOP (Fondacija omladinskih projekata). Projekat nije odobren, ali su mladi stekli iskustvo o pisanju projekata i naučili da se bore za svoje ideje.

Tokom treninga su imali priliku učestvovati u focus-grupi, vezanoj za pitanja problematike mladih, a koju je organizovao Biro za ljudska prava iz Tuzle.



*"Mladi i aktivizam"*

## Radionice "Zdrav život"

U MZ 1. maj u Brčko distriktu omladinski radnici PRONI-a pokrenuli su projekat pod nazivom "Zdrav život". Radionica je okupljala djecu i mlade starosne dobi od 10 do 18 godina. Omladinski radnici su radili sa grupom od 13 do 18 članova, koji su imali priliku da tokom grupnog rada daju svoje komentare i razmijene korisne

informacije i iskustva. Članovi grupe se se kroz rad doticali i teme ljudskih i dječijih prava, sa osvrtom na zdrav život mladih. Radionice su uspješno završene krajem 2009. godine, pošto su mladi iz ove mjesne zajednice bili veoma zainteresovani za rad. Cilj ovog projekta je bio afirmisanje mladih da aktivno učestvuju na pisanju


projekata za razvoj mjesnih zajednica i bolji život mladih u saradnji sa predsjednikom i Upravnim odborom mjesne zajednice 1. maj.



**Radionica Zdrav život u MZ 1. maj**

# JUN

## FESTIVAL FOR A '09



**“Kreativna takmičarska aktivnost” na FORA festivalu**

*“Tradicionalni FOR A festival je velika prilika za mlade da pokažu svoja umijeća, interesovanja i talente”*

PRONI Centar za omladinski razvoj je 5., 6. i 7. juna 2009. godine deveti put za redom organizovao, tradicionalni, tronedni festival omladinskog rada pod nazivom „Festival Bosansko-Hercegovackog-Švedskog prijateljstva FORA '09“.

Mladi iz Brčkog i okruženja su imali priliku tri dana da se druže, takmiče, razmjenjuju iskustva sa mladima iz Švedske, predstavljaju svoj rad i budu dio PRONI aktivnosti.

**Prvi dan festivala** bio je posvećen takmičarskim igrama u kojima se takmičilo 14 ekipa od 3-6 članova

mladih. Sve se odvijalo u Gradskom parku. Festival je krenuo sa paradom po gradu sa Samba grupom iz organizacije Svitac. Mladi su se takmičili u: skakanju u vrećama, nošenju jajeta u kašici, navlačenju konopca, jedenju šampita, provlačenju kroz „paukovu mrežu“ i prelaženju krokodilske rijeke.

**Drugi dan festivala** bio je više kulturnog karaktera. Mladi iz Brčkog i okoline su imali priliku da se druže sa grupom iz Švedske, odgledaju 4 dokumentarna filma na teme: transeksualnost, narkomanija, alkoholizam i silovane djevojke, te da nakon filma učestvuju u diskusiji u

grupama podijeljenim prema filmovima i da na osnovu toga razmijene svoja mišljenja o filmovima.

**Treći dan festivala** u potpunosti je bio posvećen mlađoj populaciji i ljubiteljima roka. Nastupali su: Mejdi Sulejmani, solo gitara, bendovi Joe Don Lucas, Playground, Iligal Mindz iz Doboja, BMC's, African drums orchestra, GKUD Brčko i „Sambaš“ iz Svica. Kraj festivala je začinjeno Fire show-om u izvođenju radnika i volontera PRONI-a.

## Mladi u BiH žele budućnost u EU

Mladi u BiH imaju velika očekivanja od evrointegracionih procesa i žele da se što prije nađu u EU. Predstavnici omladinskih udruženja iz BiH iznijeli su u Briselu prijedloge o načinima za ubrzanje puta ka tom cilju.

U razgovoru s nama predstavnicom Evropskog parlamenta Doris Pak je dala punu podršku

evrointegracionom procesu BiH i rekla da “neće odustati od BiH dokle god je živa”, te da će se boriti za nju.

Za mlade u BiH približavanje Evropskoj uniji znači poboljšanje kvaliteta života, obrazovanja i zapošljavanja. Na prvom mjestu oni žele da slobodno putuju Evropom.

Istovremeno oni nisu zadovoljni efikasnošću države kada su u pitanju evrointegracioni procesi u BiH. Ovo su samo neki od zaključaka sa javnih debata organizovanih od strane NVO iz BiH, uz pokroviteljstvo specijalnog predstavnika EU i češkog predsjedništva EU.

## Radionice za mlade Rome

Omladinski radnici PRONI-a u saradnji sa IX OŠ iz Maoče od marta do polovine juna 2009. godine, radili su na projektu, odnosno radionicama na temu “Ljudskih prava” u kojoj učestvuju mladi iz naselja Prutače, gdje većinu stanovništva čine Romi.

Radionice je posjećivalo oko 20 mladih od 10-14 godina starosti u prostorijama OŠ u Prutačama. Tokom tog

perioda održano je oko 15 radionica. Na kojima su mladi upoznati sa ljudskim pravima i malo dublje ušli u tematiku prava na obrazovanje, zdravstvenu zaštitu, igru, porodicu, zabranu iskorištavanja djece za rad, zabranu zlostavljanja djece, itd. Mladi su aktivno učestvovali na ovim treninzima.

Početkom juna održana je i jedna fokus grupa sa ovim

učesnicima vezano za pisanje projekta za otvaranje kluba u ovom naselju, za šta su mladi veoma zainteresovani.

Treneri iz PRONI-a su se trudili da mladi na kreativna način savladaju i nauče nešto o svojim pravima. Mladi su uživali u igricama i vježbama koje su radili sa trenerima Amelom Čatović-Adilović i Tatjanom Ristić, što je uticalo da se grupa od 12 učesnika poveća na 20.



**Grupa sa radionice u Prutačama**

# JUL

## Okrugli sto "Pozicija udruženja žena danas u Brčko distriktu!"

Završno sa julom mjesecom 2009. godine završio se i projekat PRONI Centra za omladinski razvoj "Jačanje kapaciteta udruženja žena u ruralnom području Brčko distrikta!". Projekat je podržan od strane vlade Kanade (CIDA). Okrugli sto je održan 23.07.2009. godine kao završna aktivnost ovog projekta u čijoj pripremi, planiranju i realizaciji su učestvovalle učesnice cjelokupnog projekta, a to su članice udruženja žena "Venera" i "Bošnjakinja, te udruženje građana "Distrofičari" i "Udruženje oboljelih od multiple skleroze". Učesnice su tokom pet mjeseci trajanja projekta učestvovalle na 14 različitih treninga. Članice su za okrugli sto pripremile brošuru i vodič za nevladine organizacije, kao rezultat svog učešća u ovom projektu.

Učesnice projekta su na ovaj okrugli sto pozvale Gradonačelnika i Dogradonačelnika Brčko distrikta, šefove odjela i pododjela za stručne i administrativne poslove, Šefa kancelarije za upravljanje javnom imovinom, Šefa kancelarije za turizam, Predsjednika Skupštine Brčko distrikta i Referent za udruženja građana. Na ovu aktivnost su se odazvali samo: Referent za udruženja građana, Dejan Joveljić i gospođa Gospa Pantelić iz Kancelarije za upravljanje javnom imovinom. Članice udruženja žena i ostala dva udruženja su bile razočarane ovakvim odazivom zbog bezbroj pitanja i problema sa kojima se ova udruženja susreću već duže vrijeme, a na koja ne mogu da dobiju odgovor od relevantnih osoba. Tako da se time samo potvrdila teška i nezavidna pozicija ovih

udruženja. Zaključci okruglog stola su:

1. Žene moraju same da se potrudie da bi se izborile za bolji status u Brčko distriktu

2. Udruženja žena trebaju više uticati na malobrojne žene u Skupštini i preko njih težiti ostvarivanju potreba, prava i ostvarivanja ciljeva udruženja

3. Podstaknuti inicijativu za ponovno osnivanje Gender komisije koja bi zastupala potrebe i prava udruženja žena, te pomagala pri pisanju projekata i umrežavanju udruženja

4. Ili podstaknuti inicijativu za osnivanje Vijeća udruženja žena (mrežu) koja bi se dalje brinula za interese udruženja i žena u Brčko distriktu, pa čak osnivanje fondacije za udruženja.



**"Pozicija udruženja žena u Brčko distriktu!"**

*"Teška pozicija udruženja žena u Brčko distriktu za skromna očekivanja, a mala podrška od Vlade"*

## Druženje sa volonterima!

Tokom 2009. godine volonteri iz sledećih organizacija : "Zvrk" "Vermont", "Crveni Krst" i "PRONI Centar za omladinski razvoj" imali su priliku da se druže i razmjene svoja dosadašnja iskustva o volontiranju u ovim organizacijama, šta su do sada naučili i gdje vide

sebe u budućnosti. Ovaj način okupljanja i rada sa volonterima iz Brčko Distrikta bio je organizovan od strane PRONI Centra za omladinski razvoj i to na kreativan način. Naime na prvom sastanku su volonteri dogovorili i zajednicke akcije koje su planirali raditi u budućnosti.

Neke odrađenih aktivnosti su :

- Karaoka večer
- Filmsko večer
- Sportsko druženje
- Svirka
- Tematsko večer—maskemba
- Single night
- Kviz



## PRONI treneri ponovo na CIVITAS kampu

Brčko je po deveti put po redu ove godine ugostilo oko 300 učesnika CIVITAS kampa, učenike osnovnih i srednjih škola iz cijele BiH. Učesnici su tokom pet dana aktivnog rada imali priliku da razmijene iskustva o radu na Projektu građanin i da se međusobno druže. U tome su im pomogle i trenerice PRONI Centra za omladinski razvoj koje su

aktivno radile sa mladima tokom kampa kroz interaktivne radionice. Moto ovogodišnjeg kampa je bio: "INTERKULTURALIZAM I IZGRANJA MIRA". Pored nastavnika i pedagoga, naše trenerice su radile šest radionica dnevno sa grupama do 20 učesnika/ca, na različitim lokacijama u Brčkom. Tokom rada učesnici su izrazili zadovoljstvo zbog

svog učešća, kao i samog toka radionica. Realizaciju CIVITAS kampa su svojim prisustvom podržali Ambasador SAD-a u BiH, supervizor Brčko distrikta, Predsjednik i Dopredsjednik Skupštine Brčko distrikta, Gradonačelnik Brčko distrikta, kao i mnogi drugi dužnosnici Vlade Brčko distrikta BiH.



**Početno postrojanje učesnika CIVITAS kampa.**



## PRONI-jeva baza trenera



**Trening u Križevićima**

PRONI Centar za omladinski razvoj pruža i trenerske usluge. Na PRONI web stranici moguće se naći baza trenera u koju su uključeni zaposleni i dosta studenata koji su završili Trening za trenere u saradnji sa švedskim Univerzitetom u Jingčopingu.

Trenerice iz PRONI-a, Bojana Sekulić i Katarina Vučković, radile su trening u

Internacionalnom omladinskom centru IPAK-MGB u Križevićima, 9. i 10. jula 2009. godine.

Učesnici treninga su bili članovi Upravnog odbora Regionalne omladinske mreže za lokalni razvoj iz 7 organizacija (Bratunac, Bijeljina, Sapna, Kalesija, Vlasenica i Tuzla).

Trening je imao za svrhu razviti PR materijal za

mrežu i upoznati članove o načinu korištenja raspoloživih resursa u radu sa medijima i javnošću.

Očekivanja učesnika treninga su ispunjena realizacijom plana i programa dvodnevnog treninga, a sam trening je odgovorio na trenutne potrebe Regionalne omladinske mreže za lokalni razvoj.

## AVGUST

### Peticija za obilježavanje "Dana mladih"

*"PRONI pokretač mnogih ideja u Brčko distriktu"*

PRONI Centar za omladinski razvoj je 12. avgusta 2009. godine pokrenuo potpisivanje peticije za obilježavanje Međunarodnog dana mladih. Organizacije koje su podržale ovo peticiju, pored PRONI-ja : Omladinski centar Vermont, Omladinska organizacija Svitac, Crveni krst/križ Brčko, Asocijacija mladih Brčko distrikta BiH, Omladinska organizacija Izvor, Omladinska organizacija Zvrk, Tuzlanska AMICA—Kuća prijateljstva, web portal Infobrcko.com. U roku od dva sata volonteri navedenih organizacija su prikupili oko 300 potpisa

građana za obilježavanje Dana mladih Brčko distrikta.

Glavni cilj ove aktivnosti je da se aktualizuje priča o mladim ljudima u Brčko distriktu i podstaknu lokalne vlasti na razmišljanje o mladima.

Od ukupnog broja mještana Brčko distrikta BiH 25% se odnosi na mlade ljude koji žive na ovom prostoru i imaju različite potrebe i interesovanja, na koje pokušavaju odgovoriti svojim radom i djelovanjem kroz različite organizacije i udruženja. Mladi ljudi, kao budući naraštaji i ključni

faktor u razvijanju društva, zahtijevaju više pažnje i posvećenosti od zajednice, jer na taj način stvaraju sigurne predušlove za demokratsko i pravredno društvo.

Činjenica je da u Brčko distriktu još uvijek nije donešena ni omladinska politika niti zakon o mladima. Sva dokumentacija zajedno sa peticijom poslata je u Vladu i Skupštinu Brčko distrikta, ali ni do danas nismo dobili nikakav odgovor na ovaj dopis.

### Turnir u odbojci na pijesku



**Odbojka na pijesku na igralištu na Ficibajeru**

"Sasvski cvijet 2009" je tradicionalna manifestacija turizma, sporta i kulture, koja se u Brčkom održava već osam godina. Ove godine manifestacija je trajala od 25. jula do 15. avgusta.

PRONI Centar za omladinski razvoj je, u okviru ove manifestacije, organizovao turnir u odbojci na pijesku, pod pokroviteljstvom Vlade Brčko distrikta BiH, na

poznatom brčanskom izletištu Ficibajer.

Prema propozicijama, svaka od ekipa trebala je da se sastoji od dvoje ljudi starijih od 15 godina bilo kojeg pola. Na ovogodišnjem turniru je učestvovalo šest muških ekipa: "Hofefajm", "Ficibajer", "1. maj", "PRONI" i "Utrerht" iz Brčkog te "Dvorovi" iz Dvorova.

Turnir je završen 8.8.2009. godine. Prvo i drugo mjesto su zauzele ekipe iz Brčkog, dok je treće mjesto zauzela ekipa iz Dvorova.

Pored turnira u odbojci, košarci, malom fudbalu, šahu i borilačkim vještinama, građani su mogli da uživaju u Smotri folkloru, Danima gastronomije, Likovnoj koloniji, te kajak-kanu-regati.



# SEPTEMBAR

## Film "Tamna strana djetinjstva"

Volonter PRONI Centra za omladinski razvoj, Damir Pervanović je u septembru mjesecu 2009. godine završio svoj projekat, odnosno film, pod nazivom "Tamna strana djetinjstva". Film je amaterski— kratkometražni raden namjenski za filmski festival OFF u Bihacu.

Festival se održava drugi put za redom, sa akcentom na kršenje ljudskih prava u zajednici.

Film je urađen sa ciljem da razbije tabue i malo više podstakne na razmišljanje o problemima i kršenjima ljudskih prava koja se ne događaju "tamo negdje", nego u svijetu oko nas.

Nakon završetka OFF festivala film će biti prikazan premijerno i u Brčkom.

U radu na filmu je, pored Damira, učestvovalo je još pet mladih ljudi od 12-20 godina. A snimanje filma je svojom opremom podržala predsjednica udruženja Distrofičar iz Brčkog, Enisa Rendić.



**Volonter Damir Pervanović, direktor, režiser, scenarista i glumac u filmu "Tamna strana djetinjstva"**

## PROJEKAT U BIJELJINI:

### "Svi smo rođeni sa jednakim pravima, poštujemo ih!!!"

PRONI-jev projekat: "Svi smo rođeni sa jednakim pravima, poštujemo ih!!!", je finansirala Opština Bijeljina. Cilj projekta je bio edukovati mlade ljude, volontere, da rade radionice na temu ljudskih i dječijih prava sa svojim vršnjacima i mladima iz osnovnih škola. Stoga je u Bijeljini organizovano pet treninge za grupu mladih ljudi, srednjoškolaca i studenata iz Bijeljine koji su ciljna grupa ovog projekta, .

Treninzi su bili na teme:

- Komunikacija
- Rad u grupi
- Ljudska prava
- Rješavanje konflikta

- Menadžment vođenja projekta

Treninzi su rađeni intezivno tokom dva vikenda, zbog obaveza učenika i studenata i na njima je prisustvovalo oko 15 mladih ljudi iz opštine Bijeljina. Treninge su radili zaposleni u PRONI-u, ljudi sa dugogodišnjim iskustvom. Svi treninzi su održani u prostorijama PRONI kancelarije u Bijeljini.

Učesnici su na treninzima formirani u manje grupe u kojima su radili svoje radionice. Oni su napisali mini projekte za svaku temu i odradili po 10 radionica sa grupom vršnjaka ili učenika osnovnih škola.

Teme na koje su mladi ljudi raditi aktivnosti su:

- Kreativne radionice sa mladim Romima "Zabavom do znanja"
- Otvaranje "Info centra" u Bijeljini
- Dramske radionice "Ričard Iavljev srca"

Rad na projektu se završio obilježavanjem dana dječijih prava 20. novembra i organizovanjem festivala dječijih prava pod nazivom "Danas je moj dan", na kome su učesnici imali priliku da građanima Bijeljine, pokažu rezultate rada svojih radionica, a tom prilikom je održana i kampanja o otvaranju Info centra u Bijeljini.



**Prvi trening i upoznavanje učesnika u okviru projekta u Bijeljini**

## Koktel za novinare

U kancelariji PRONI Centra za omladinski razvoj u Brčko Distriktu 23.09.2009. godine organizovan je **"Koktel za novinare!!!"** u cilju odavanja priznanja radu novinara sa područja Brčkog Distrikta, a i šire. Koktelu su prisustvovali

novinari iz tri medijske kuće, uglavnom lokalne, i to: FTV—federalna televizija, Radio Brčko i "HIT" televizija .

PRONI Brčko već ima dugogodišnju saradnju sa ovim medijskim kućama i na ovaj način smo se željeli da

im se zahvalimo na pružanju podrške radu PRONI-a, dobijenu od pomenutih medijskih kuća u prethodnom periodu.

Koktel za novinare je ispunio sva očekivanja novinara i zaposlenih PRONI-a, jer su mediji bitni partneri u radu.

*"Odražavanje zahvalnosti novinarima druženjem u PRONI-u"*



**Fotografija sa konferencije za medije**

## OKTOBAR

### Kampanja "Vratite mladima Omladinski centar"!

PRONI Centar za omladinski razvoj Brčko distrikta BiH u saradnji sa lokalnim nevladinim omladinskim organizacijama: Vermontom, Izvorom, Amicom, Asocijacijom mladih BiH i Kultom, te Helsinškim parlamentom građana iz Tuzle, a sve pod pokriviteljstvom Holandske Ambasade u Sarajevu, organizovao je kampanju pod nazivom **"Vratite mladima Omladinski centar"** u Brčkom. Kampanja je organizovana u sklopu

projekta „You(th) are hope for B&H 2009“. Kampanja u Brčkom organizovana je 30. oktobra 2009. godine sa ciljem da podigne svijesti mladih i građana Brčko distrikta BiH o problemu korištenja Omladinskog centra, sa kojim se mladi u Brčkom susreću. U sklopu kampanje organizovana je:

Volonteri i aktivisti navedenih omladinskih organizacija iz Brčkog su sakupili 214 potpisa mladih i građana Brčko distrikta.

- konferencija za medije;
- dijeljenje promotivnog materijala;
- skupljanje potpisa u smislu sugestija, preporuka i peticije;



**Fotografija sa volonterske radionice**

### Volonterske radionice u Bijeljini

Učesnici projekta „Svi smo rođeni sa jednakim pravima, poštujmo ih!!!“ u Bijeljini, koji je podržan od strane Opštine Bijeljina, tokom oktobra mjeseca uveliko su radili na svojim projektima.

**„Zabavom do znanja“** su radionice sa mladim Romima koje su volonteri PRONI-a radili u organizaciji OTHARIN i okupljali oko 20 Roma uzrasta od 4-10 godina. Oni su grupu upoznali sa dječijim pravima i radili kreativne radionice na temu dječijih prava i to:

pravo na sigurnost, porodicu i obrazovanje. U okviru tih prava djeca su crtala crteže i pravila poklone za mame i tate. Volonterke PRONI-a su počele učiti i romski jezik. Pripremili su kreativne radove za Dan dječijih prava "Danas je moj dan".

Dramska radionica pod nazivom **„Škola glume“** okupila je mlade od 15-19 godina. Učesnici ovog projekta su veoma aktivno radili na predstavi "Richard lavlje srce" koju su izveli na Festivalu dječijih prava.

Grupa mladih aktivista koja se bori za otvaranje **„Info centra“** u Bijeljini, aktivno je radila na pripremama kampanje za anketiranje građana i potpisivanje peticije. Dva puta sedmično su imali sastanke i radili na pripremama za istraživanje o zainteresovanosti mladih u Bijeljini za otvaranje Info centra, koju su iskoristiti za podnošenje projekta Načelniku opštine Bijeljina, odnosno, ideje za koju im treba podrška Opštine Bijeljina da bi ideja bila realizovana do kraja.



**"Zabavom do znanja"**

## "Omladinska politika i zapošljavanje mladih u Jugoistočnoj Evropi"

Generalni Menadžer PRONI Centra za omladinski razvoj učestvovao je na seminaru na temu "Omladinska politika i zapošljavanje mladih u Jugoistočnoj Evropi" koji je organizovan u gradu Brdo, Slovenija u periodu od 21.10. do 24.10.2009. godine.

Učesnici ovog seminara su bili iz sljedećih država : Albanije, Bosne i Hercegovine, Bugarske, Hrvatske , Grčke, Crne Gore, Rumunije, Srbije, Slovenije i Kosova. Na seminaru su bili i predstavnici Evropskog Omladinskog Forumu (EYF), predstavnici SALTA (Jugoistočno-

evropskog resursnog centra) , kao i predstavnici Savjeta Evrope- direktorata za Sport i Omladinu.

Cilj ovog okupljanja jeste donošenje strategija za razvoj omladinskih politika i startegija za zapošljavanje mladih u zemljama Jugoistične Evrope.

*"Angažovanost zaposlenih u PRONI-u u borbi za prava mladih u Brčko distriktu ali i BiH"*

## NOVEMBAR

### Nagrada za "Tamnu stranu djetinjstva"

Film "Tamna strana djetinjstva", volontera PRONI Centra za omladinski razvoj Brčko distrikta BiH, Damira Pervanovića (reditelj, scenarista, montažer i glumac) osvojio je drugo mjesto na Omladinskom festivalu filma—OFF u Bihacu.

Omladinski radnik PRONI-a, Slavko Stanić, zajedno sa Ismarom Klebićem

(kameraman), Adelom Delić i Mirelom Muharemović (glumice) prisustvovao je festivalu, koji se održava druga godina za redom u Bihacu.

Nagrada za drugo mjesto festivala je srebrna statua festivala i bon na 500 KM.

Od devet filmova, koliko je prikazano na festivalu, osam

je bilo iz BiH i jedan iz Srbije, tako da je festival regionalnog karaktera.

Jedino je PRONI-jev film urađen kroz nevladinu organizaciju, dok su ostali filmovi rađeni u okviru škola.

Nagrada za prvo mjesto na OFF festivalu je takođe došla u Brčko i to JU Tehničku školu.

*"Drugo mjesto na OFF festivalu za "Tamnu stranu djetinjstva"*



### Danas je moj dan!!!

Povodom međunarodnog dana dječijih prava PRONI u Bijeljini je implementirao akciju pod nazivom "Danas je moj dan". Cilj akcije je bio da se volonteri PRONI Centra prikažu svoje radove na temu ljudskih prava i na taj način doprinesu obilježavanju ovog dana.

Akcija je provedena u okviru projekta „Svi smo rođeni sa jednakim pravima, poštuju ih!!!“ u sklopu koga su volonteri radili na svojim manjim projektima, odnosno radionicama sa mladima i djecom iz Bijeljine na temu dječijih i ljudskih prava. Volonteri su građanima

Bijeljine pokazali i prikazali svoj rad proteklih mjeseci. Na samom početku učesnici dramske grupe su odglumili i prikazali svoje djelo, to jest skeč koji su sami osmislili i realizovali. Nakon toga, grupa volontera upoznala je građane sa svojim radom zajedno sa djecom romske nacionalnosti, u sklopu koje su pripremili i malu izložbu dječijih radova na temu dječijih prava, te galeriju sa fotografijama, koje su snimljene tokom njihovog rada. Takođe, je učesnica projekta Sabina pročitala tekst, koji je napisala na srpskom i romskom jeziku.

Ova radionica je rađena u saradnji sa romskom organizacijom OTAHARIN u Bijeljini.

Treći projekat je „kampanja za otvaranje info centra u Bijeljini“ u sklopu koga su volonteri radili anketiranje građana tokom akcije.

Akcija "Danas je moj dan" je uspješno realizovana i šira javnost Opštine Bijeljina je imala priliku da se upozna sa značajem ovog dana, kao i da se pridruži našoj akciji.



**Prezentacija volonterskih projekata građanima Bijeljine 20.novembra 2009. godine.**





**Trening u Makedoniji**

## Trening za koordinatora i mentora za EVS

PRONI je od 2009. godine član EVS-a (evropskog volonterskog servisa) SALTO Youth i plan je da PRONI ugosti i šalje volontere od naredne 2010. godine, kada PRONI stiže uslove za to.

Tim povodom su omladinski radnici PRONI-a prisustvovali treningu za koordinatore i mentore EVS-a koji je održan u Strugi, u Makedoniji, od 01. do 09.11.2009. godine.

Trening je bio međunarodnog karaktera i učesnici su bili iz Francuske, Italije, Bugarske, Rumunije, Hrvatske, Bosne i Hercegovine, Srbije, Poljske i Makedonije. Ukupno 25 učesnika iz navedenih zemalja je deset dana prisustvovalo detaljnoj obuci obaveza koordinatora i mentora za EVS volontere.

Pojedinosti su se odnosile na slanje i ugošćavanje volontera, te o procedurama

i obavezama u sklopu te aktivnosti, tako da je ovaj trening došao u pravi čas i biće od značajne pomoći za buduće planove i rad PRONI-a na ovom polju.

## Studenti iz Švedske svoj praktični rad radili u PRONI-u



**Studenti iz Švedske na akciji "Danas je moj dan!"**

Martin Nilsson i Ibrahim Hoti su studenti iz Švedske koji su svoj praktični rad o Radu i uključenosti u lokalne procese odradili u PRONI-ju u Brčkom.

Naime, ovi momci studiraju na švedskom Jonkoping University School of education and communication (Smjer obrazovanje i komunikacija) i u sklopu svog studiranja iz predmeta Međunarodni odnosi su imali zadatak da u nekoj organizaciji u inostranstvu istraže metode, način rada, politike rada, saradnju sa lokalnim vlastima, uključenost

u lokalne procese i dr. u radu te organizacije.

Pored toga, što istražuju u PRONI-ju, oni su pomagali osoblju PRONI-a u pripremi projekta za Evropsku komisiju "NVO BiH u borbi protiv korupcije", i u akciji „Danas je moj dan!“ povodom Međunarodnog dana djeteta u Bijeljini.

Družili su se sa zaposlenicima i volonterima PRONI Udruženja sve do kraja novembra mjeseca.

Na odlasku su rekli da će PRONI preporučiti i

drugim studentima sa njihovog univerziteta, jer je BiH interesantna za njihov rad, a sa PRONI-jem su ostvarili dobru i korisnu saradnju. Tokom svog boravka u BiH upoznali su dosta mladih, volontera i članova PRONI-a, kako u Brčkom tako i u Bijeljini. Takođe su posjetili i Ambasadu Švedske u Sarajevu.

## Sastanci omladinskih organizacija u Bijeljini

U Bijeljini je tokom 2009. godine pokrenuta praksa da jednom mjesečno organizuju sastanak omladinskih organizacija u Bijeljini na koji se uvijek poziva i predstavnik opštine Bijeljina, zadužen za saradnju sa omladinskim NVO.

Praksa je da se sastanak održi svaki put u prostorijama druge organizacije i da organizacija domaćin piše izvještaj sa tog sastanka. Na sastancima se

obično govorilo o radu omladinskih NVO u Bijeljini, planovima rada, te o opštinskim sredstvima i omladinskoj politici. Omladinske organizacije imaju dogovor da pišu projekte upućene opštini Bijeljina iz različitih oblasti kako bi osigurale da se pokriju sve oblasti i tematike vezano za mlade i da sve organizacije dobiju sredstva za ove projekte.

Na taj način su i omladinske

organizacije i odjeljenje u opštinu za rad sa omladinskim organizacijama upoznati sa radom ovih organizacija i radom sa mladima, tako da imaju dobru razmjenu informacija. Ove sastanke su obično posjećivali predstavnici najaktivnijih NVO, a ova praksa se nastavlja i u 2010. godini.

# DECEMBAR

## Volonter 2009. godine u Republici Srpskoj

Volonter PRONI Centra za omladinski razvoj iz Bijeljine, Mladen Mijić, dobio je priznanje za volontera 2009. godine u Republici Srpskoj. Plaketu i novčanu nagradu od 1000 KM, a volonteru godine nagradu je uručio Proko Dragosavljević, Ministar za porodicu, omladinu i sport u Banja Luci.

Nagrada je uručena povodom Međunarodnog

dana volontera, 5. decembra, povodom čega je PRONI u Bijeljini organizovan i okrugli sto na temu "Volonterizam u Bijeljini", a na kome je Mladen iznio svoje iskustvo volontera godine i volontera u PRONI-u, te sa drugim mladim ljudima razmijenio iskustva i približio im volju i motivaciju za volonterski rad.

Mladen je još rekao, da mu

ova nagrada puno znači, ali da ga i obavezuje i motiviše da nastavi sa aktivnostima na zaštiti i promociji ljudskih prava.

Pored toga što je ovo velika nagrada za Mladena, to je takođe velika nagrada i za PRONI, a i za opštinu Bijeljina.

Šta drugo reći osim: "Bravo Mladene!"



**Mladen Mijić volonter godine u Republici Srpskoj**

## Volonterski dnevnik

PRONI Centar za omladinski razvoj Brčko distrikt BiH je članica Mreže Volonterskog dnevnika, zajedno sa organizacijama IPAK iz Tuzle, ToPeer iz Doboja, NarkoNE iz Sarajeva, CORNO iz Maglaja i KULT, Ured Sarajevo i Ured Gradačac. U Obrazovno-raznodnom centru za mlade, SPAJALICA, na Ilidži, u

decembru 2009. godine, održan je radni sastanak članica Mreže Volonterskog dnevnika, na kojem su revidirani izgled i sadržaj Volonterskog dnevnika, kao i prezentovana procedura njegove upotrebe i distribucije.

Katarina Vučković, menadžer Tima za omladinski rad PRONI-a, je

volonterima u Brčkom i Bijeljini prezentovala volonterski dnevnik, način upotrebe, značaj i ulogu u volonterskom angažovanju.

PRONI Brčko je započeo sa promocijom Volonterskog dnevnika™ i do sada su aktivni volonteri u PRONI-u su dobili besplatne primjerke dnevnika.



*Fotografija sa radnog sastanka*

## Edukacija za voditelja programa za Upozoravanje na mine

Zaposleni u PRONI-u su od juna meseca 2009. godine krenuli sa edukacijom za upozoravanje na mine.

Tokom juna meseca, grupa od 5 ljudi, je prisustvovala prvoj obuci Instruktor za upozoravanje na mine u organizaciji BHMAC-a (Centar za uklanjanje mina). Obuka je organizovana u Palama u trajanju od 4 dana. Učesnici su radili na hitnom

obilježavanju, određivanju kota minskog polja na karti, upoznavanje sa vrstama mina, učenje vještine komuniciranja sa stanovništvom i istraživanja o području zagađenom minama, najugroženijim dijelovima naselja kao i najugroženijim grupama stanovništva. U obuku je spadao i terenski rad.

Svi polaznici su dobili certifikate o položenoj obuci. S obzirom da, PRONI ima

namjeru da se bavi edukacijom stanovništva o upozoravanju na mine, Bojana Sekulić, menadžer za PR i obrazovanje, je nastavila obuku za voditelja programa za upozoravanje na mine u decembru mesecu 2009. godine. Dalja obuka je nastavljena u Sarajevu u organizaciji BHMAC-a u trajanju od 4 dana. Obuka će biti nastavljena u 2010. godini, kada PRONI planira da se prijavi za bavljenje ovom djelatnošću.



**Obuka za voditelje projekta za upozoravanje na mine**



# DECEMBAR

## Volonterizam u PRONI-u

PRONI Centar za omladinski razvoj u Bijeljini je povodom Međunarodnog dana volontera, 5. decembra, organizovao okrugli sto pod nazivom: "Volonterizam u Bijeljini", u okviru projekta "Svi smo rođeni sa jednakim pravima, poštuju ih!!!", koji je podržala Opština Bijeljina.

Okrugli sto je održan u maloj sali gradske biblioteke "Filip Višnjić" u Bijeljini 5.12.2009. godine.

Na okruglom stolu je:

- Prezentovana uloga volontera u PRONI-u u Bijeljini;
- Obilježeno pet godina rada PRONI-a;
- Mladen Miljić, dobitnik ovogodišnje plakete za volontera godine u Republici Srpskoj za 2009. godinu, je govorio o svom iskustvu volontera;
- Promovisan je volonterski dnevnik;

Nakon toga je diskutovano o poboljšanju statusa volontera, motivisanju mladih ljudi da volontiraju, kao i o tome kako zajednica vidi volontere, itd.

Na ovoj svečanosti su dodijeljeni certifikati volonterima i aktivistima za ljudska prava, te zahvalnica onima koji su pomogli rad PRONI-a u sklopu ovog projekta.



Okrugli sto : "Volonterizam u Bijeljini"!!!

## PRONI kroz vrijeme

Na samom kraju prošle, 2009. godine, PRONI Centar za omladinski razvoj u Brčkom je organizovao izložbu fotografija pod nazivom "PRONI kroz vrijeme", povodom jedanaest godina rada PRONI-a, na području Brčko distrikta.

Panoi sa fotografijama od 1998. do 2009. godine, bili su postavljeni u Omladinskom centru, 21. i

22. decembra 2009. godine, a na njima je samo djelimično prikazan rad PRONI-a u ovom period.

Obzirom da na panoje nije mogla da stane ni desetina urađenih fotografija, u Omladinskom centru su postavljeni i foto albumi i cijelo vrijeme su kružile fotografije na video bimu, te su posjetioci mogli vidjeti oko 10000

aktivnosti iz vremena kada su učestvovali u radu PRONI-a.

Ovim povodom je organizovana i konferencija za medije, čime je šira javnost takođe upoznata sa ovim događajem.

Bilo je lijepo vidjeti sve posjetiocyte i mlade ljude, koji su još kao djeca stupili u ovu organizaciju i rasli zajedno sa njom.



**PRONI je nevladina, neprofitna i nestranačka organizacija koja radi na području Brčkog od 1998. godine i na području Bijeljine od 2004 godine.**

**Naša vizija: PRONI Centar za omladinski razvoj ima viziju da svi mladi ljudi imaju sposobnost da razviju sebe i jednaku mogućnost da doprinesu demokratskom i pravедnom društvu u kome su njihove potrebe prepoznate i riješene.**

**Danas PRONI radi na edukaciji o ljudskim pravima, te radi na razvoju aktivizma mladih u zajednici, razvoju volonterizma, razvoju omladinske politike.**

**Rad PRONI udruženja se ogleda kroz treninge, seminare, radionice, okrugle stolove, razmjene volontera i mladih, festivale i druge aktivnosti koje podstiču multietničnost, saradnju i sigurnu životnu sredinu.**



### Centar za omladinski razvoj

Ul. Bosne Srebrene 16  
76101 Brčko

Telefon: 00387-49-233-940  
Fax: 00387-49-217-695  
E-mail: pronibrco@teol.net